



Neviim (prophètes) - Zacharie

Chapitre 11

- 11,1 פתח לבנון, דלתית; ותאכל אש, בארזיך.
- 11,2 הילל ברוש כי-נפל ארז, אשר אדרים שדדו; הילילו אלוני בשן, כי-יבד יער הבצור (הבציר).
- 11,3 קול יללת הרעים, כי שדדה אדרתם; קול שאגת כפירים, כי שדד גאון הירדן. {פ}
- 11,4 כה אמר, יהוה אלהי: רעה, את-צאן ההרגה.
- 11,5 אשר קניהן-הרגו, ולא-יאשמו, ומכריהן יאמר, ברוך יהוה ואעשר; ורעיהם, לא-יחמול עליהן.
- 11,6 כי לא אחמול עוד, על-ישבי הארץ--גאם-יהוה; והנה אנכי ממציא את-האדם, איש ביד-רעהו וביד מלכו, וכתתו את-הארץ, ולא אציל מידם.
- 11,7 וארעה את-צאן ההרגה, לכן עניי הצאן; ואקח-לי שני מקלות, לאחד קראתי נעם-ולאחד קראתי חבלים, וארעה, את-הצאן.
- 11,8 ואכחד את-שלושת הרעים, בירח אחד; ולתקצר נפשי בהם, וגם-נפשם בחלה בי.
- 11,9 ואמר, לא ארעה אתכם; הממה תמות, והנכחדת תכחד, והנשארות, תאכלנה אשה את-בשר רעותה.
- 11,10 ואקח את-מקלי את-נעם, ואגדע אתו--להפיר, את-בריתי, אשר בריתי, את-כל-העמים.
- 11,11 ותפר, ביום ההוא; וידעו כן עניי הצאן, השמרים אתי, כי דבר-יהוה, הוא. {ס}
- 11,12 ואמר אליהם, אם-טוב בעיניכם הבו שכרי--ואם-לא חדלו; וישקלו את-שכרי, שלשים כסף.
- 11,13 ויאמר יהוה אלי, השליכהו אל-היוצר, אדר פיקר, אשר יקרתי מעליהם; ואקחה שלשים הכסף, ואשליך אתו בית-יהוה אל-היוצר.
- 11,14 ואגדע את-מקלי השני, את החבלים--להפיר, את-האמה, בין יהודה, ובין ישראל. {פ}
- 11,15 ויאמר יהוה, אלי: עוד קח-לך, כלי רעה אולי.
- 11,16 כי הנה-אנכי מקים רעה בארץ, הנכחדות לא-יפקד הנער לא-יבקש, והנשברת, לא ירפא; הנצבה, לא יכלכל, ובשר הבריאה יאכל, ופרסיהן יפרק.
- 11,17 הוי רעי האליל עזבי הצאן, סרב על-זרועו ועל-עין ימינו; זרעו יבוש תיבש, ועין ימינו כהה תכהה. {פ}



Questions au Rav Dayan (tome 5)

Ces questions, vous vous les êtes posées un jour, ou vous vous les poserez dans l'avenir...

Commandez : Tel. (Fr) : +33.1.80.91.62.91 - (Isr) : +972.77.466.03.32 - www.torah-box.com/editions